

FEDERACIJA BOSNE I HERCEGOVINE
VLADA FEDERACIJE BiH
Federalno ministarstvo poljoprivrede, vodoprivrede i šumarstva
Ured za koordinaciju projekata - PCU

Javni poziv za dostavljanje Zahtjeva za izražavanje interesa (REol) za Program sufinansiranja prvog zapošljavanja u struci SSS, VSS (pripravnika)

Zemlja: Bosna i Hercegovina
Projekat: Projekat razvoja ruralnog poduzetništva i poljoprivrede (READP)
Broj kredita: 2000002300
Zadatak: Zapošljavanje pripravnika

Bosna i Hercegovina je dobila kredit od Međunarodnog fonda za poljoprivredni razvoj (IFAD), za financiranje Projekta razvoja ruralnih poduzeća i poljoprivrede (READP), i dio sredstava namjerava utrošiti za podršku realizaciji projektnih aktivnosti za zapošljavanje mladih pripravnika.

Za realizaciju Projekta na području Federacije BiH zadužen je Ured za koordinaciju projekata (PCU), pri Federalnom ministarstvu poljoprivrede, vodoprivrede i šumarstva.

Cilj projekta je ekonomski razvoj ruralnog područja i smanjenje siromaštva na selu stvaranjem boljih uslova i mogućnosti za generisanje prihoda i unapređenje životnog standarda ciljnih domaćinstava.

Težište projektnih aktivnosti je na razvoju kooperantske proizvodnje u poljoprivredi, a naročito u pod-sektorima proizvodnje voća, povrća, ljekovitog i aromatskog bilja, šumskih plodova, pčelarstva, stočarstva.

Ovaj Zahtjev za izražavanja interesa (REol) slijedi opću obavijest o nabavci koja je objavljena u dnevnim novinama (Dnevni Avaz), na web-stranici PCU-a, na web-stranici IFAD-a i na UNDB 17/11/2021.

Ured za koordinaciju projekata (PCU) ovim poziva zainteresirane pravne subjekte (firme) da dostave Zahtjev za izražavanje interesa za sudjelovanje u programu sufinansiranja zapošljavanja mladih osoba, pripravnika sa SSS ili VSS radi sticanja stručnog iskustva.

Firme nemaju nikakav aktualan, potencijalan ili osnovano shvaćen sukob interesa. Neka firma s aktualnim, potencijalnim ili osnovano shvaćenim sukobom interesa diskvalificira se osim ukoliko nije drugačije eksplicitno odobreno od strane Fonda. Neka firma, uključujući njeno dotično osoblje i podružnice, smatraju se da imaju sukob interesa ukoliko oni a) imaju neki odnos koji im priskrbljuje neprimjerene ili neotkrivene informacije o ili utjecaj na proces odabira i izvršenje ugovora, b) sudjeluju u više od jednog EOI-a po ovoj radnji nabave, c) imaju neki poslovni ili obiteljski odnos s nekim članom upravnog odbora klijenta ili njegovim osobljem, Fondom ili njegovim osobljem, ili bilo kojim drugim pojedincem koji je bio, još uvijek jeste ili može biti razložno izravno ili neizravno uključen u bilo koji dio (i) pripreme ovog izražavanja interesa, (ii) procesa odabira za ovu nabavu, ili (iii) izvršenje ugovora. Firma ima trenutnu obvezu odmah razotkriti bilo kakvu situaciju aktualnog, potencijalnog ili osnovano shvaćenog sukoba interesa tijekom pripreme ovoga EOI-a, procesa odabira ili izvršenja ugovora. Propust da se propisno razotkrije bilo koja od navedenih situacija može dovesti do odgovarajućih radnji, uključujući diskvalificiranje te firme, raskid ugovora i bilo kojih drugih po potrebi po Politici IFAD-a o sprečavanju prijevare i korupcije u njegovim projektima i operacijama¹.

Od svih firmi se zahtijeva da se pridržavaju revidirane Politike IFAD-a o sprečavanju prijevare i korupcije u njegovim aktivnostima i operacijama (dalje u tekstu, „IFAD-ova antikorupcijska politika“) dok se natječu za, ili u izvršenju, Ugovora.

¹ Ova politika je dostupna na: www.ifad.org/anticorruption_policy.

- a. Ukoliko se utvrdi da je neka firma ili bilo tko od njenog osoblja ili agenata, ili njegovih pod-konzultanata, pod-izvođača, pružatelja usluga, dobavljača, pod- dobavljača, i/ili bilo kojeg od njihovog osoblja ili agenata, izravno ili neizravno, angažirani u bilo koju od zabranjenih praksi određenih u IFAD-ovoj antikorupcijskoj politici ili kršenja integriteta, kao što su seksualno uznemiravanje, iskorištavanje i zlostavljanje kako je određeno u IFAD-ovoj Politici o sprečavanju i odgovoru na seksualno uznemiravanje, seksualno iskorištavanje i zlostavljanje² u natjecanju za, ili u izvršenju, ugovora, ovaj EOI može biti odbačen ili ugovor može biti raskinut od strane klijenta.
- b. Sukladno IFAD-ovoj antikorupcijskoj politici, Fond ima pravo sankcionirati tvrtke i pojedince, uključujući proglašavanjem njih nepodobnim, ili na neodređeno vrijeme ili na neko navedeno vremensko razdoblje, sudjelovati u bilo kojoj aktivnosti ili operaciji koju financira i/ili njom upravlja IFAD. Neka zabrana uključuje, *inter alia/između ostalog*, nepodobnost: (i) da se dodijeli ugovor koga financira IFAD ili drugačije ima koristi, financijski ili na bilo koji drugi način; (ii) biti nominirani pod-izvođač, konzultant, proizvođač, dobavljač, pod-dobavljač, agent ili pružatelj usluga neke inače podobne tvrtke kojoj je dodijeljen neki ugovor koga financira IFAD; i (iii) zaprimati sredstva bilo koje pozajmice ili granta koga osigurava Fond. Fond također ima pravo priznati zabrane izdate od strane bilo kojih drugih međunarodnih financijskih institucija sukladno s njegovom Antikorupcijskom politikom.
- c. Od firmi i bilo koga od njihovog osoblja i agenata, i njihovih pod-konzultanata, pod-izvođača, pružatelja usluga, dobavljača, pod-dobavljača, i bilo koga od njihovog osoblja i agenata, zahtijeva se da u potpunosti surađuju s bilo kakvom istragom koju provodi Fond, uključujući i učiniti osoblje dostupno za razgovore i osigurati potpuni pristup bilo kojem i svim računima, objektima, dokumentima i evidencijama (uključujući elektronske evidencije) koji se odnose na ovaj proces odabira ili izvršenje ugovora, i da je dao revidirati i/ili pregledati takve račune, objekte, evidencije i dokumente od strane revizora i/ili istražitelja koje je imenovao Fond.
- d. Firme imaju trenutnu obvezu razotkriti u njihovom EOI-u i kasnije u pisanom obliku kako može postati relevantno: (i) bilo koje administrativne sankcije, krivične presude ili privremene obustave njih samih ili bilo kojeg od njihovog ključnog osoblja ili agenata za, prijevaru i korupciju, i (ii) bilo kakve naknade ili takse plaćene ili koje se trebaju platiti agentima ili drugim stranama u svezi s ovim procesom odabira ili izvršenjem ugovora. Kao minimum, firme moraju razotkriti ime i kontaktne pojedinosti agenta ili druge strane i razlog, iznos i valutu naknade ili takse plaćene ili koje se trebaju platiti. Propust da se pridržava tih obveza razotkrivanja može dovesti do odbacivanja EOI-a ili raskida ugovora.
- e. Od firmi se zahtijeva da čuvaju sve evidencije i dokumente, uključujući elektronske evidencije, koji se odnose na ovaj proces odabira dostupne minimalno tri (3) godine nakon obavijesti o završetku ovoga procesa, ili, u slučaju da se firmi dodijeli ugovor, izvršenja ugovora.

Fond zahtijeva da se svi korisnici sredstava IFAD-a ili sredstava koje administrira IFAD, uključujući klijenta, bilo koje konzultante, partnere u provedbi, pružatelje usluga i dobavljače, pridržavaju najviših standarda integriteta tijekom nabave i izvršenja takvih ugovora, i da se posvete borbi protiv pranja novca i financiranja terorizma, usuglašeni s IFAD-ovom Politikom protiv pranja novca i za borbu protiv financiranja terorizma.³

² Ova politika je dostupna na: <https://www.ifad.org/en/document-detail/asset/40738506>.

³ Ova politika je dostupna na: <https://www.ifad.org/en/document-detail/asset/41942012>.

1. Predmet zahtjeva

Projektom je predviđeno **zapošljavanje pripravnika, osoba mlađih od 35 godina sa završenom SSS ili VSS** svih zanimanja potrebnih za obavljanje registrirane djelatnosti u ruralnim područjima. Posebno se ohrabruju firme koje su registrovane u projektnom području i bave se poljoprivredom i preradom hrane. Ova aktivnost provodi se s ciljem osposobljavanja mladih osoba za samostalan rad u struci. U skladu sa Zakonom o radu FBiH, pripravnikom se smatra lice sa završenom srednjom ili visokom školom, odnosno fakultetom, koje prvi put zasniva radni odnos u tom zanimanju, a koje je prema zakonu, obavezno položiti stručni ispit ili mu je za rad u zanimanju potrebno prethodno radno iskustvo.

Za sufinansiranje zapošljavanja pripravnika iz sredstava Projekta je planirano:

Sufinansiranje iz sredstava Projekta u visini 50 % bruto minimalne plate u FBiH, koja iznosi 1.001,67 KM (Službene novine FBiH br. 101/23), odnosno iznos od **501,00 KM mjesečno ili maksimalno 6.012,00 KM za 12 mjeseci** iz sredstava READP projekta za svakog odobrenog pripravnika sa završenom SSS.

Preostali dio do punog iznosa BRUTO minimalne plate ili više za svakog odobrenog pripravnika plaća poslodavac.

Po Zakonu o radu FBiH poslodavac je obavezan pripravniku sa završenom VSS isplatiti minimalnu neto platu koja ne smije biti manja od 70% od prosječne neto plate isplaćene u sektoru u kojem se vrši zapošljavanje. U sektoru poljoprivrede i šumarstva je po podacima Agencije za statistiku BiH; Saopštenje - Demografija i socijalne statistike - Tabela 4, od dana 15.03.20024. godine prosječna neto plata u 2023. godini iznosila 1.098,00 KM.

Obaveza PCU je da sufinansira zapošljavanje pripravnika sa VSS iz sredstava Projekta sa iznosom od **768,00 KM, (maksimalno 9.216,00 KM za 12 mjeseci)** za svakog odobrenog pripravnika sa VSS, što predstavlja 100% iznosa minimalne mjesečne neto plate pripravnika sa VSS, kako je naprijed definirano.

Obaveza poslodavca je da plati doprinose u punom iznosu na isplaćenu neto platu za svakog odobrenog pripravnika sa VSS.

Sredstva će se doznačavati na račun poslodavca refundiranjem dijela isplaćenih troškova zaposlenika kako je prethodno navedeno, nakon što poslodavac dostavi dokaze o isplaćenim neto plaćama, porezima i doprinosima. Poslodavac, u skladu sa svojim mogućnostima i internim aktima, može pripravniku isplatiti veća sredstva u odnosu na definirano ovim Programom.

2. Prava i uslovi učešća

Pravo učešća po Javnom pozivu imaju:

- Pravni subjekti registrovani u Federaciji BiH (privredna društva, zadruge, udruženja, obrtnici) koji su registrovani u projektnom području ili su od značaja za stanovništvo ovih područja kao što su subjekti koji se bave poljoprivrednom proizvodnjom i preradom, pružanjem savjetodavnih usluga, distribucijom repromaterijala za poljoprivrednu proizvodnju, otkupom poljoprivrednih proizvoda, veterinarskim uslugama, ruralnim turizmom, izgradnjom kapaciteta žena i omladine.
- U programu ne mogu učestvovati javna preduzeća, javne ustanove, jedinice lokalne samouprave i drugi subjekti iz javnog sektora.

Projektno područje obuhvata sljedeće općine:

Klaster 1: Velika Kladaša, Cazin, Bužim, Bosanska Krupa, Bihać, Bosanski Petrovac, Sanski Most, Ključ, Drvar, Bosansko Grahovo, Glamoč;

Klaster 2: Jablanica, Prozor/Rama, Konjic, Gornji Vakuf/Uskoplje, Bugojno, Donji Vakuf, Jajce, Dobretići, Travnik, Novi Travnik, Vitez, Busovača, Kiseljak, Kreševo, Fojnica;

Klaster 3: Doboju Istok, Gračanica, Lukavac, Gradačac, Srebrenik, Tuzla, Živinice, Kalesija, Banovići, Kladanj, Sapna, Čelić, Teočak, Orašje, Domaljevac, Odžak;

Klaster 4: Olovo, Breza, Vareš, Visoko, Kakanj, Zenica, Žepče, Zavidovići, Maglaj, Doboj Jug, Tešanj Usora, Pale FBiH, Foča FBiH, Goražde , Hadžići, Ilijaš, Vogošća i Trnovo;

Klaster 5: Livno, Kupres, Tomislavgrad, Posušje, Grude, Ljubuški, Široki Brijeg , Čitluk, Mostar, Čapljina, Stolac, Ravno i Neum.

Sufinansiranje za zapošljavanje pripravnika može ostvariti poslodavac pod sljedećim uslovima:

- Da primi na obavljanje pripravničkog staža lica iz ciljane skupine bez radnog iskustva u struci nakon sticanja zvanja;
- Da je registrovan u skladu sa zakonskim propisima na području FBiH;
- Da dostavi Program stručnog osposobljavanja pripravnika;
- Da navede kadrovske i druge kapacitete za stručno osposobljavanje nezaposlenih lica u firmi ili izvan firme;

Poslodavcu neće biti odobreno sufinansiranje za pripravnika kojeg je zaposlio prije objave ovog poziva.

Pri razmatranju zahtjeva, u obzir će biti uzeti sljedeći kriteriji: vrsta djelatnosti poslodavca, razvijenost općine na čijem području je registriran pravni subjekt, iskustvo u obavljanju djelatnosti, spol osnivača firme, kadrovski i materijalno-tehnički kapaciteti poslodavca, program stručnog osposobljavanja pripravnika.

Kriteriji za rangiranje:

1. KRITERIJ	Bodovi
1. Vrsta djelatnosti	
1.1 Opće poljoprivredne djelatnosti	20
1.2 Prerada hrane	25
2. Nivo razvoja lokalne zajednice	
2.1 Izrazito nerazvijena i nerazvijena	10
2.2 Srednje razvijena	7
2.3 Razvijena	5
3. Iskustvo u obavljanju djelatnosti	
3.1 godina 0-3	5
3.2 godina 3-5	10
3.3 preko 5 godina	15
4. Spol vlasnika/osnivača pravnog subjekta	
4.1 muški	0
4.2 ženski	10
5. Kadrovski i drugi kapaciteti poslodavca	
5.1 slabi	5
5.2 srednji	10
5.3 dobri	20
6. Ocjena programa stručnog osposobljavanja pripravnika	
6.1 slaba	10
6.2 srednja	15
6.3 visoka	20
Maksimalno bodova (100)	

3. Način podnošenja zahtjeva i potrebna dokumentacija

Zahtjev za izražavanja interesa se podnosi PCU-u. Uz zahtjev se podnosi sljedeća dokumentacija:

- Rješenje o registraciji pravnog subjekta ili aktualni izvod iz sudskog registra,
- Aplikacioni formular dostupan na www.fmpvspcu.ba/javni-pozivi,
- Pozitivan Bilans stanja i uspjeha za posljednju godinu poslovanja prije podnošenja aplikacije ovjeren od strane Agencije za finansijske, informatičke i posredničke usluge (AFIP-a),
- Program stručnog osposobljavanja pripravnika.

4. Obveze poslodavca su:

- Da u roku 30 dana od dana zaključenja ugovora s PCU-om primi pripravnika na pripravnički staž i s njim zaključi Ugovor o pripravničkom stažu sukladno zakonskim propisima na puno radno vrijeme i na razdoblje od najmanje 6 mjeseci ili više ako je to u skladu sa zahtjevima struke za koju se pripravnik školovao;
- Da dostavi dokaz o isplaćenju plate, porezima i doprinosima (Obrazac 1023) za mjesec za koji se zahtijeva isplata;
- Izvod iz poslovne banke poslodavca, kao dokaz o izvršenim uplatama;
- Izjavu pripravnika da nije imao prethodno iskustvo u struci;
- Da obavijesti PCU o svakoj promjeni koja može utjecati na odnose utvrđene Ugovorom između poslodavca i pripravnika u roku od 15 dana od dana nastanka promjene.

5. Rok za podnošenje zahtjeva

Poziv je otvoren do 31.12.2024. ili do utroška sredstava planiranih budžetom za 2024. godinu, ovisno od toga koji uvjet prije nastupi. Aplikacije je moguće dostaviti putem preporučene pošte na adresu:

Ured za koordinaciju projekata (PCU)
Grbavička 4, II sprat, 71 000 Sarajevo

ili elektronski putem e-maila: e.mulahusic@fmpvspcu.ba

U slučaju slanja putem pošte potrebno je na koverti obavezno naznačiti „**Prijava na Javni poziv za Program sufinansiranja prvog zapošljavanja u struci SSS, VSS (zapošljavanje pripravnika)**“.

Za dodatne informacije možete kontaktirati putem email adrese na email: a.selimic@fmpvspcu.ba ili e.mulahusic@fmpvspcu.ba.